



**PROCESVERBAL I DËGJIMIT BUXHETOR  
NË LIDHJE ME KORNIZËN AFATMESME BUXHETORE  
(KAB) 2025-2027 – SEÇISHTË**

Procesverbali nga Dëgjimi i katërt buxhetor në lidhje me Kornizën Afatmesme Buxhetore (KAB) 2025 - 2027 u zhvillua me datën **14.06.2023** duke filluar nga ora 11:00 në SHFMU “Ilaz Thaçi” në Seçishtë, në të cilin ishin gjithsej 19 pjesëmarrës, prej të cilëve 4 ishin gra dhe 15 burra.

Dëgjimin buxhetor nga Zyra e Kryetarit të Komunës e kryesoi Kryetari i Komunës, i cili i përshëndeti të pranishmit dhe i falënderoi për pjesëmarrjen e tyre, ndërkaq morën pjesë edhe drejtor e drejtoresha e ekzekutivi i Komunës, ku për rend të ditës kishin:

- 1. Prezentimi i Draft Kornizës Afatmesme Buxhetore**
- 2. Diskutimi i hapur**

**Mehmet Ballazhi:** Sot jemi këtu për ta diskutuar Kornizën Afatmesme Buxhetore që është planifikimi fillestar i buxhetit, e poashtu edhe dëgjimet fillestare, e më pas do të jenë edhe dëgjimet tjera finale për Draft buxhetin që i paraprin buxhetit që miratohet nga Kuvendi Komunal deri me 30 shtator. Pra në këto dëgjime, jemi në fazën e parë të projekteve të buxhetit, e më pas vijohet me fazat tjera, si faza e hartimit të projekt buxhetit, miratimit të tij në Kuvend Komunal e në fund edhe miratimit në Qeveri. Kornizën Afatmesme Buxhetore (KAB) 2025-2027 do ta prezentojë Drejtorja për Buxhet dhe Financa, **znj.Lindita Ballazhi**.

**1. Prezentimi i Draft Kornizës Afatmesme Buxhetore**

**Lindita Ballazhi:** Duke u bazuar në Ligjin për Financa Publike dhe Përgjegjësitë, Qeveria e Kosovës gjatë muajit maj të këtij viti ka aprovuar Kornizën Afatmesme të shpenzimeve qeveritare të planifikimeve 2025-2027 apo KASH-in për periudhën 2025-2027, ku në bazë të Kornizës Afatmesme Buxhetore të shpenzimeve qeveritare, nivelit lokal iu përcjellat Qarkorja e parë buxhetore dhe me kufijtë fillestarë në nivel të Kosovës. Me pranimin e Qarkores së parë buxhetore, ne kemi hartuar grupin punues për hartimin e KAB-it, në të cilin kemi kufijtë fillestarë buxhetore me të cilat ne bëjmë planifikimin e buxhetit për vitin vijues apo konkretisht për vitin 2025, si dhe vlerësimet e hershme për vitin 2026-2027, me ç'rast ne bëjmë hartimin e shpenzimeve duke renditur prioritetet kryesore komunale dhe normalisht objektivat të cilat janë të identifikuara në dokumente strategjike komunale dhe më pas e përcjellim në KPF dhe Kuvend Komunal, mbajmë dëgjimet buxhetore siç edhe jemi mbledhur këtu sot, ku ne marrim

kërkesat, sugjerimet, rekomandimet dhe prioritetet tuaja, prej të cilave ne e bëjmë një listë me propozimet e qytetarëve dhe e përcjellim si material shtesë në Kuvendin Komunal, së bashku me KAB-in dhe Kuvendi Komunal voton për projektet që dorëzohen e që ata i shohin më me rëndësi. Pas kësaj faze, vijohet me fazën tjetër e cila ka të bëjë më miratimin e KAB-it në Kuvend Komunal deri me 30 qershor. Pas miratimit të KAB-it, pasohet me fazën tjetër e cila ka të bëjë më paranimin e Qarkores së dytë buxhetore e cila përmban kufijtë final buxhetor deri me 15 gusht, ku me pranimin e kësaj Qarkore, hartohet një draft buxhet, e pastaj përsëri mbahen dëgjime buxhetore, dorëzohet në Kuvend Komunal bashkë me propozimet finale të qytetarëve deri me 1 shtator dhe më pas është faza e miratimit të buxhetit nga Kuvendi Komunal deri me 30 shtator. Buxheti i miratuar nga asambleja komunale dërgohet në Departament të Buxhetit, gjegjësisht në Ministrinë e Financave, Punëve dhe Transfereve. Për vitin 2025, në bazë të Qarkores së parë buxhetore 01/2025, buxheti i Komunës parashihet të jetë 3,615,457.00 € , këtu kemi përfshirje të 4 burimeve të financimit: nga Granti i Përgjithshëm me pjesëmarrje prej 1,701,892.00 € apo 47.07%, nga Granti Specifik i Arsimit me pjesëmarrje 1,167,634.00 € apo 32.29%, nga Granti Specifik i Shëndetësisë me pjesëmarrje 406,212.00 € apo 11.23% , nga të Hyrat Vetanake Komunale me pjesëmarrje prej 339,719.00 € apo 9.39%, pra totali (Grantet + THVK) me pjesëmarrje prej 3,615,457.00 € apo 100.00 %. Në tabelat e paraqitura në KAB gjeni edhe Planin afatmesëm të të hyrave të buxhetit komunal për vitet 2025-2027, Planin e ndarjeve buxhetore të shpenzimeve totale për vitin 2025, si dhe Listën e Projekteve Kapitale, Ndërkaq tani presim projekt propozimet tuaja për vitin buxhetor 2025.

## **2. Diskutimi i hapur**

**Mevlud Kuka – Administrator i fshatit Seçishtë:** Ne si kryesi e Këshillit Lokal të Seçishtës ne kemi hartuar një listë me kërkesat tona që i kemi si prioritete. Përpara se i listoj kërkesat tona për buxhetin e vitit 2025, unë do t'i cek kërkesat tona të cilat i kemi bërë vitin e kaluar e të cilat janë aprovuar nga ana e juaj. Kemi bërë kërkesën për rregullimin e kanalit të hapur në vendin e ashtuquajtur Lloka në Seçishtë, i njejtë projekt është realizuar nga ana e juaj, e që ne si fshat jemi mirënjohës. Propozim tjetër ka qenë aneksi i urës në Seçishtë, në Ministri të Bujqësisë kemi bërë kërkesën për pishat, e që gjithashtu edhe kjo kërkesa na është aprovuar si dhe rruga Nënberg e cila pritet të realizohet këtë vit, me këtë banorët e Nënbergut do të kenë qasje nëpër arat e veta, pasiqë ka qenë e bllokuar. Ndërsa propozimet tona për vitin 2025 janë këto: Mbasi këtë vit do të bëhet rruga Nënberg ne si kryesi e Këshillit Lokal të Seçishtës do të kishim dashur ta lidhim këtë rrugë prej te burimi deri te Lepenci, ta shtroni me kubëza betoni ose ta asfaltoni. Propozimi tjetër është zgjerimi i rrugës Kodrës Brahimit, do të ishte mirë të futet në projektet e 2025. Këto janë prioritetet tona.

**Mehmet Ballazhi – Kryetari i Komunës cek:** Besoj që këto propozime i keni diskutuar me banorët e fshatit Seçishtë.

**Mevlud Kuka – Administrator i fshatit Seçishtë:** Po gjithsesi.

**Mehmet Ballazhi – Kryetari i Komunës cek:** Atë që ne dëshirojmë të bëjmë është të orientojmë buxhetin që e kemi në dispozicion në projektet të cilat janë më prioritare. Ne nuk jemi hallka kryesore për t'i zgjedhur këto projekte që propozohen. Ne kemi problem me

Kontratën Kolektive, e cila na kufizon në zhvillimin e projekteve pasiqë mjetet merren nga përmbaruesit. Megjithatë ne do bëjmë përpjekjet tona edhe pse Kuvendi vendos për listën e projekteve që do të jenë pjesë e buxhetit 2025.

A ka projekte të tjera të cilat dëshironi t'i propozoni? – Ceku kryetari **Ballazhi**.

**Fadil Kuka – Banor i fshatit Seçishtë** – Mbjellja e pishave është bërë shumë mirë, pak me vonesë por më mirë vonë se kurrë. Por më mirë të ishin mbjellur më pak pisha, por të kënaqshme, efektet të jenë më afatgjatë, të jenë më kualitative.

**Abduraman Bushi – Drejtor i Bujqësisë, Pylltarisë dhe Zhvillimit Rural** – Pishat janë mbjell shumë mirë në përgjithësi, por problemi është se ato pisha janë rritur nëpër serra. Nuk janë të adaptume për këto kushte klimatike. Në raste normale, me mbjelljen e fidanëve, jo të gjitha mbijnë, por ato që mbijnë veçohen, merren me kasetat dhe pastaj vendosen në truallin ku kanë pas me u mbjellë. Nëse na i kishin sjellë pishat në këtë formë, do të ishte shumë ma mirë, mirëpo jemi në këto kushte që jemi. Herave tjera nëse na aprovohen kërkesat tona për pisha tjera, nuk do t'i pranojmë pa kasetat.

**Mehmet Ballazhi – Kryetar i Komunës** – A kemi propozime apo diskutime tjera? Nëse jo e konsideroj të mbyllur takimin. Faleminderit shumë për prezencën dhe kontributin.

Dëgjimi buxhetor përfundoi në ora 14:45.







REPUBLIKA E KOSOVËS - REPUBLIC OF KOSOVO  
KOMUNA - MUNICIPALITY  
HANI I ELEZIT



LISTA E PJESËMARRËSVE NË DËGJIMIN BUXHETOR PËR KORNIZËN  
AFATMESME BUXHETORE 2025-2027

Lokacioni: SHFMU "Ilaz Thaçi" – Paralelja në Seçishtë  
Data: 14.06.2024  
Ora: 13:30

NR	EMRI DHE MBIEMRI	NUMRI KONTAKTUES	NËNSHKRIMI
1	Lotif Shkreta	[REDACTED]	[Signature]
2	Mahir Shkreta	[REDACTED]	[Signature]
3	Fehmi Shkreta	[REDACTED]	[Signature]
4	End Shkreta	[REDACTED]	[Signature]
5	Mervet Koli	[REDACTED]	[Signature]
6	IRHAN SHKRETA	[REDACTED]	[Signature]
7	SEVET SHKRETA	[REDACTED]	[Signature]
8	Mione Kuka Hasellari	[REDACTED]	[Signature]
9	LIRIDONA BALLAZHI	[REDACTED]	[Signature]
10	ARSIM DERISANI	[REDACTED]	[Signature]
11	Haselverman Bushi	[REDACTED]	[Signature]
12	ARBENITA BAJRAMALIU	[REDACTED]	[Signature]
13	MERCURIN KUKA	[REDACTED]	[Signature]

14	HAKIK KALISI	[REDACTED]	[REDACTED]
15	Fawadil Kuka	[REDACTED]	[REDACTED]
16	Qenan SHBETA	[REDACTED]	SHBETA
17	HISNI LURI	[REDACTED]	[REDACTED]
18	Musafer Dilorami	[REDACTED]	[REDACTED]
19	Lindita Ballaxhi	[REDACTED]	LBallaxhi
20			
21			
22			
23			
24			
25			
26			
27			
28			
29			
30			
31			
32			
33			
34			
35			